

ABSTRAK

Kajian ini dilakukan dengan tujuan untuk mengenal pasti ketidakterusan perintah dan larangan al-Qur'an menerusi Surat al-Baqarat. Berdasarkan perintah dan larangan tersebut, data-data utama yang diberikan penumpuan untuk tujuan analisis adalah ayat-ayat hukum yang menjadi sumber perundangan dalam Islam dari segi keadaan dan gaya bahasa ayat-ayat tersebut.

Kajian ini mempunyai beberapa kepentingan dan objektif untuk memberikan gambaran mengenai kewujudan perintah dan larangan secara terus dan tidak terus di dalam Surat al-Baqarat. Metodologi yang digunakan untuk kajian ini adalah dengan membuat kajian perpustakaan, mengumpul data daripada bahan-bahan yang diperolehi serta menganalisis data-data tersebut berdasarkan teori yang telah dinyatakan oleh sarjana-sarjana Islam mengenai perintah dan larangan ayat-ayat hukum al-Qur'an.

Hasil yang diperolehi daripada kajian telah menunjukkan perbezaan yang jelas di antara perintah dan larangan secara terus dengan tidak terus. Perintah dan larangan secara terus dapat difahami berdasarkan kewujudan tuntutan atau tujuan tuntutan tersebut dinyatakan dengan gaya bahasa yang menggunakan kata kerja perintah atau larangan. Ketidakterusan pula merujuk kepada perkhabaran mengenai sesuatu ketentuan, gambaran pujian atau kutukan, gambaran ganjaran baik atau buruk dan gambaran mengenai amalan yang disukai atau dibenci dengan gaya bahasa yang menggunakan kata kerja atau kata nama.

PENGHARGAAN

Segala pujian bagi Allah dengan segala kemuliaanNya atas segala nikmat yang tidak terkira banyaknya. Salawat dan salam ke atas junjungan besar Nabi Muhammad S.A.W, pemimpin bagi golongan ‘Arab dan ‘Ajam yang membawa rahmat ke seluruh alam. Hanya kepada Allah kesyukuran dipanjatkan atas segala anugerah dan kekuatan yang diberikan untuk menyiapkan kajian serta petunjuk ke arah jalan kebenaran.

Untuk menyiapkan kajian yang tidak seberapa ini pengkaji telah mendapat bantuan dan pertolongan daripada beberapa pihak yang telah menyumbangkan sesuatu yang berharga kepada pengkaji. Keikhlasan dan ketulusan pihak tersebut serta sumbangan yang diberikan sangat-sangat dihargai. Tiada apa yang dapat diberikan oleh pengkaji untuk membalas segala sumbangan dari segi idea, sokongan dan sebagainya yang telah diberikan selain daripada ucapan ribuan terima kasih yang tidak terhingga.

Ucapan ribuan terima kasih dan sekalung penghargaan ditujukan kepada Ustaz Wan Ibrahim Wan Mamat yang telah memberikan bimbingan serta tunjuk ajar kepada pengkaji untuk menyiapkan kajian ini. Pengkaji juga ingin mengucapkan ucapan yang sama kepada pihak-pihak yang turut menyumbangkan sesuatu yang berharga dalam apa jua khususnya kepada

semua pensyarah yang terlibat dengan Program Sarjana Pengajian Bahasa Moden Sesi 1996/97 dan 1997/98 serta Penolong Pendaftar Fakulti Bahasa dan Linguistik Universiti Malaya.

Pengkaji juga ingin mengucapkan ribuan terima kasih kepada Cik Nor 'Azizah bt. Johan yang begitu tekun menaip draf kajian ini tanpa mengharapkan sebarang habuan dan balasan. Juga untuk semua pegawai di perpustakaan yang dikunjungi oleh pengkaji untuk mendapatkan maklumat dan bahan terutamanya Perpustakaan Umum Universiti Malaya, Perpustakaan Fakulti Bahasa dan Linguistik dan Perpustakaan Kolej Islam Melaka. Seterusnya kepada Ketua Sekolah Pengajian Islam kerana memberikan kelonggaran kepada pengkaji dari segi bebanan tugas sebagai pensyarah. Pengkaji juga tidak dapat melupakan rakan-rakan seperjuangan di Sekolah Pengajian Islam dan Sekolah Pengurusan Perniagaan di atas sokongan dan dorongan untuk pengkaji menyiapkan kajian ini dengan kadar yang segera serta kepada Ustaz Abdul Hadi Saleh yang banyak memberikan ingatan kepada pengkaji.

Akhir sekali, ucapan terima kasih dan penghargaan yang tulus ikhlas khusus untuk kedua ibu bapa di atas segala leteran dan teguran membina yang diberikan tanpa rasa jemu, juga kepada seluruh ahli keluarga terutamanya Muhabir dan Mardhiah yang kadangkala membuatkan

pengkaji merasa tertekan dengan sindiran mereka. Untuk semua , pengkaji merakam ucapan ribuan terima kasih dan tanpa mereka mungkin pengkaji berada dalam situasi yang berbeza.

Batu 27, Kampung Permatang,

Kuala Sungai Baru,

78200 Melaka.

Ab. Rahim bin Ibrahim